



宛委山人詩集卷三

山陰 劉 正誼

暗香浮影集上

春日諸同學過訪留飲分賦

芳春二月靈雨零千絲萬縷垂楊青殘梅飄盡天
桃笑微香細細枝婷婷主人此日神頗爽思乘小
蹇游郊垆騷壇衆彥忽過我叩門一一停輿丁便
呼小僕剪肥韭謀之於婦傾香醞圍几團飲飛花
下武能說劍文談經莊論未已雜諧笑一時玉屑
飛盈庭鼠鬚蠶紙鬪奇句如金撞玉聲玳玳不求



人解求心足，別挾萬彙收。英靈酒酣不覺發，狂語
夢夢天。夢安能醒吾輩，豈甘長蠖屈。何時齊鼓墨
浪翻滄溟。

寄懷華亭錢介維 柏齡

西冷昨歲聽吹笙，竹院秋燈夜正清。鬪飲實甘居

小戶，聯吟更怯遇長城。

客秋余偕錢丈聽曲吳山夕出與中丞宋漫堂先生唱和詩見贈并以長箋索

摹議郎書

梨花細雨春看半，燕子斜陽夢獨成。白髮

詞人遠不見，一緘臨發百愁生。

花雨村寓樓

偶攜襍被覓良游，花雨幽村五日留。嫩綠影斜分

小院晚紅香散入，高樓飛雲點水輕。於穀積雨消
春冷，過秋羌笛不知何處起。青天碧海落悠悠。

次韻答臨安盛鶴田 弘遠 見懷三絕

曾憶山齋共玉尊，西風送別出花村。綠波紅樹孤
帆遠，空有苔階屐齒痕。

偏當卧病綠溪邊，燕子梨花穀雨前。不似去年矜
作達，軟泥紫陌看生蓮。

殷勤雙鯉道相思，吳質風流從可知。幾卷蛩吟憑

寄與添渠苦海一人詩。

時錢塘吳寶崖附書見詢并索近刻小稿

採藥

躡屩入巖壑寒雲滿春山繁香飛馥郁衆水流淙
潺好風吹野卉片片停溪灣高吟負長纜曲折窮
躋攀每思此幽處真可容疎頑所憂天台女未必
仙緣慳相逢才幾日說已經千年胡麻慎莫飲一
飲家難還

送魯雪堂國書之廣陵

柳彈長條復短條離筵燭影耿清宵我舍別恨三
千斛君問春風廿四橋紫陌斜陽金勒馬紅樓明
月玉人簫故園望整歸鞭早莫待梨花滿院飄

春日懷內弟章南原十

蒙茸碧草抽芳春蒼池日麗波粼粼桃花百媚背
風笑游絲飄蕩牽香塵柳葉長垂竹葉短綠陰忽
覆雲塘滿朱樓繡箔紅粧人倭隋橫釵吹玉管一
庭如雪飛濃花可憐春思盈天涯陌頭蹀躞紅驄
遠橋邊搖曳青帘斜懷人不見心如霧茫茫塊靄
西東路倚闌搔首空踟躕鶯簧鼓上煙深樹

慰友

一夜東風花亂吹多愁人欲損腰肢情絲那得羈
桃葉淚雨空勞泣柳枝幽夢牽帷聊復做餘香入
被豈堪思王孫珍重雙開鏡應有良緣似舊時

寄吳四丈何七

閒庭萬綠濃四圍垂翠幄黃鸝上高枝將以鷓新
鷓憶在龍山中文酒逞歡樂吳君領風華何君亦
卓犖聯吟無晨昏鬪酒歷晦朔忘形互揶揄肆口
相評駁人生在娛情安復顧謠詠自我乍離群擔
簦遠游學遙念小蓬萊依然雙玉轂吳君舞霜刃
何君橫冰槊美不知兩賢如何互爭較笑語向何
君憂君命蹇剝莫似月中薪輕爲吳剛斲

春日兩訪友人不值

飛飛乳燕掠斜陽細柳青帘杏酪香一澗桃花人

不見寂無言語返劉郎

重叩橋西流水門空看芳草憶王孫條條巷陌人
歸去消盡千花香裡魂

過南湖園亭與朱查軒

悅仁

李禹川

濬

題

詩處

一曲明湖一草亭画廊回合列山屏花陰小婦挑
春菜柳下游人釣雨萍薄霧輕籠野樹綠微波細
感曉天青舊時鶯燕應相識祇怪今番客獨經

次答諸進士

來晟

盛歲題名占上頭中年解組卧林丘碧山不負堪

舒嘯香草多情足寫愁酒滿深杯厭獨酌書充高
架恣勤搜水邊沙際閒鷗隊羨煞忘機日與游

贈陳六準

虎頭渺矣龍眠遐誰能人物稱專家吳興解元六
如子傳神阿堵推無加十洲仇英更絕冠丹青一
代真堪誇吾鄉老蓮小蓮子生面獨啟祛鉛華此
外芸芸畫苑客浪拈不律徒紛拏陳君採葺諸家
秘握定雙管搖奇葩五日一山十日水水光澹沲
山崢嶸亭臺樓榭一髮構生樹鮮潤枯槎柯其画
美人尤奇絕嬌靨割取天邊霞柳葉作眉杏作眼

綠雲盤項垂烏鴉纖腰束素真一捻珠裙裊裊籠
蓮花增之太肥減太瘦總如白璧無纖瑕苧蘿中
人金谷妾勃勃神動身欹斜我輩貧士守隻婦金
釵粉黛心空奢何如君取傾城貌十人百人圖輕
紗環懸齋壁共卧起宛能言語聲喧譁如過屠門
恣大嚼雖不得肉歡無涯夢君妙手真無匹長歌
歌罷還咨嗟

寄禹川

如繡春光去莫留含情獨坐夕陽樓朱闌橋下清
清水日載飛花一巷流

百尺層樓勝廣寒
循花倚柳日盤桓
可憐今夜如眉月
獨倚紅簾第幾闌

玉蘭花徑隔隣深
日共尋人捉手吟
夜雨燈前懷往事
傷無別處結同心

後無題

花影瓏璁覆苑牆
年年看過一春長
玉鈎簾捲中宵月
金步塵寒滿地香
幾遍青陽銷粉墨
千行紅雨浣衣裳
當時石尉真情種
翻惜蛾眉不善藏
垂垂銀蒜晚風欹
鸚鵡當簾喚步移
菡萏猶開含笑靨
葡萄不進合歡卮
帳懸雲母香消早
門掩葳

蕤夢到遲還勝上
陽諸女伴白頭空
話少年時新來也是
畫長蛾薄命生成
奈若何幾斛明珠
空買笑十牀絃索
不聞歌掠殘青髻
憐庚弱挑盡紅缸
問影多怪底春風
無意緒橫枝偏易
托絲蘿雜珮聲傳
畫檻東幽踪初學
出房櫳人間片葉
如堪寄天上微波
好借通月近珠樓
妝未卸花藏羅襪
步曾工新來怕捲
重簾看半是殘霞
半曉風靈犀不解
辟輕寒薄袂回風
怯夜闌曾記畫眉
如月小忽驚飛髻
似雲殘歌低春宴
調金管句寫秋心
入素紈鏡裡新妝
花下影消魂祇作
有無看

弱不勝衣影自我亭亭獨立看如何東風夢已迷
黃蝶南浦春還釀綠波冷偏雙鬟施薄綺妝添一
抹鬪輕螺韶光好惜銷殘後落絮飛花有許多
當筵曾共按霓裳燈火催人整夜妝自別春風拋
束素長隨明月捲流黃閒情易謝鉛華夢檀口難
消笑語香省識玉樓金鎖事欲逢青鳥問家鄉
行樂當年不記愁紫雲歌博錦纏頭溫柔別向人
間種顰笑爭隨眼底收好夢欲尋芳草去春心還
借落花留如今難覓吹簫侶十二簾間月滿樓
已分身無彩翼生臨風依舊步輕盈玉蛾欲斂留

歌態香韻微飄隱笑聲未必人能真入夢却疑天
許獨鍾情相思一夜來何處祇向屏山數去程
兩點春山明鏡前鬪妝初倦亦堪憐朝寒自起薰
金鴨夜雨誰同聽杜鵑小語花間迷處處佳期雲
外盼年年坐中祇道新聲好錦瑟空彈五十絃

同筇山訪素堂於竹中巢用董東田瑒題

壁韻

來訪維摩病朱扉綠水心相看憐瘦骨小坐洗煩
襟竹翠林邊拾荷香葉底尋懷君夜夜夢不作始
從今

萬竹環巢碧真堪度小年花飛人至後雲到我來
先翠幔當門捲紅螺遶座傳風流應共賞豈遜晉
時賢

逸少風華首環區向北辰藏花紅粉閣結屋綠楊
津枕落金條脫窓留玉辟塵不知天下士誰是眼
中人

急雨漫村至煙波出釣翁雲拖墨欲透天作画偏
工避酒全非弱爭吟太不公

余每得句笥山必攘臂而起謂奪彼意中語也

通宵

歡讌罷雙槳趁晨風

竹中巢與笥山素堂夜話有懷吳四丈限

韻東寄

遠山聳兀兀近水流濺濺堦下新雨地墻上紅霞
天修織萬竿竹日暮搖蒼烟愛鵝王逸少愛復兼
青蓮蓮花開的的蓮葉浮田田曲池環客座香氣
清風牽知己共促膝誰忍床中眠晚涼侵衣袖人
人如登仙擎尊恣濶論放浪真無邊所傷與吳質
兩地參商懸安能雲一片接取同芳筵玉唾座間
散佳句燈前聯片語供咀味一字窮雕鐫疎螢負
小照爛爍花中穿舉頭各歎息低頭思綿綿

竹中巢小別素堂

宛委山人詩集 卷三
名士幽棲迥不同粉泥墻矮露青空客來竹影松
濤下人卧荷香柳浪中嫩綠帳垂藏小夢軟紅簾
捲透輕風預愁別後相思苦時放雙魚鏡水東

夜坐贈內

夜坐芳堦看綺霞何慚徐淑與秦嘉一雙燕入門
邊箔幾點螢流窓上紗明月扇搖紅藕弱珍珠蘭
韞綠雲斜會心如解吟情起喚取烏薪煮露芽

咏團扇

一片銀華下玉臺含情人獨擁徘徊紅蘭白露芳
堦畔點點飛螢手撲來

小卸殘妝坐綺櫳餘香冉冉作涼風分明天上團
圓月搖動柔荑玉腕中

潔如冰雪白凝脂輕比蓮花不嬾持辛苦流連誰
眼見掩唇歌殺謝芳姿

送徐西來之熾北上

一門同學愛輕肥日送征帆歷亂飛猿鶴應驚詩
客少溪山真笑酒人稀曉風殘月君行路野水寒
煙我釣磯暢欲傾尊訴別緒更無片語總依依
百疊家山入暮蒼長橋斜日上牙檣祖行綠浦三
千客掩面紅樓十二行旅夢夜休離鑑曲征衣秋

便到遼陽我情不似汪倫淺千尺桃花水足方

懷石庭上人 元鴻用放翁聞雁韻

樓高秋氣佳日落天光黑哦詩凭危欄遙望稽山
北萬山孤菴中君時當晚食漠漠寒烟深瑟瑟涼
風逼冥鴻入雲飛誰復施絳弋惟有思君人恨無
雙羽翼

哭商廿八表兄介廬

歎息斯人乃不留驀分華屋與山丘眼中誰倚諸
黃口棺外長號一白頭對此安能作曠達傷心頓
覺盡風流淒涼舊日西州路淚湧如潮那得收

公車四上盡成空曠世才華奈命窮生不如人工

暮乞死須為厲殺冬烘 時兄南宮下第歸即鬱鬱成病 傷君地上還天

上歎我愁中復病中從此茫茫不似昔相思何處

寄郵筒 相思千里寄郵筒兄見懷句也

雙珠樹復見回春 兄家自冢宰公兄弟聯飛後至是與兄培世復相繼舉於鄉 一樹摧殘

實愴神世上儘多可死客冥間偏愛有才人黃泉

碧落魄長渺白社青山迹竟陳 余與兄及同郡十子始盟宛委山時兄頻咏蘭亭記

俛仰之間以為陳迹數語不謂我兄竟先當此痛也 歎息當初吟嘯侶誰何血淚不

霑巾

落葉蕭蕭鑑水隈可憐我友赴泉臺竟如小別抽

宛委山人詩集 卷三
身去倘不相忘入夢來玉樹生生理着土繡囊鬱
鬱築成堆紅蘅碧杜秋風冷日暮吟些可勝哀

聞介廬訃往哭之慟有笑余過哀者口占
謂之

慟哭心知逝夜臺為他不覺過情哀如卿數百今
朝死能乞劉君滴淚來

痛殺人間去子雲旻天夢夢復何云從旁多少衣
冠客不死諸君死此君

懷錢二石渠

飄泊天涯客思他淚欲傾公車五不第家計百無

成親昔貧時歿秋今客裡生樽前懷遠道脉脉獨
縈情

玉堦怨

玉露沾羅襦盈盈望秋月但見清光多不知芳草
歇

重九獨吟

三徑蕭疎遍草萊病中節序歎相催山容秋盡寒
如削雲浪天空聚作堆人正愁時黃菊老雁當飛
處紫煙開白衣門外何曾到自買村醪醉一回

秋柳

列女山人詩集 卷三
憔悴西園裏長條無復垂不堪樓上望偏向笛中
吹野水煙籠處江村日落時寒鴉惱人意栖斷萬
千枝

黃鳥幾時別愁牽斷岼邊不藏遊子騎空拂釣人
船搖落鳴蟬路淒涼送雁天可憐隋苑晚樹樹掛
寒烟

書懷四律

曲閣凭闌看碧空蕭蕭霜葉滿墻東疎林落日烏
頭白小浦淒風雁淚紅一覺夢初回枕上十年愁
盡起懷中寒虫四壁吟何苦簾底吟聲笑與同

白日空過守寂寥芳蘭深谷冷無聊鏡中笑乏封
侯面帶裡難摹作令腰剩水殘山銷酒甕零花碎
月積詩瓢無邊幽興公公落碧草橫波雁齒橋
跌蕩春風花酒場美人一去恨茫茫鳳鵝箱疊空
勞憶絃索牀拋劇可傷無賴玉虫搖瘦影多情金
鴨吐餘香凝眸何日傳消息貽我親裁雲錦裳
離恨千重山可齊同袍遠隔最含悽寸心寄月愁
天遠尺素藏魚恐路迷烟水蒼涼一笛擲雲山蕭
瑟幾猿啼小窓燈火人長歎花裡鐘聲落澗西

從軍行

宛委山人詩集 卷三
十載黃花戍未回思鄉獨自上龍堆
昨宵冷卧陰山客曾向閨中夢裡來

寄答沈岱瞻并詢查太史 嗣璪

病中揮手去分外起離愁無復勞君問
深知爲我憂雲歸千嶂暮葉落半江秋
欲訪蘭亭客安能到

越州

往查君訂余今秋見訪并作蘭亭游

遣興

風流自賞少年情避俗幽棲韻劇清
十月紅蓮新稻飯三江青鮒小魚羹
桃花源內人無信瓜子湖中波有聲
吟興不知何處起藕絲一縷吐懷輕

驚霜雁陣冒寒衝五夜多慚枕畔鐘
氣質向來常懊惱性情近頗識陶鎔
人誰有意求神駿天豈甘心老卧龍
片片飛雲翔碧落消閒木末擷芙蓉

同家偉男風人俊民士薪梅田諸叔飲雪
滕六驟龍飛彤雲布漠漠寒威充戶庭
何以爲歡樂家風南阮齊群從咸卓犖
共愛六出花雜坐梅邊閣漫天珠琲拋
滿地瓊瑤落烏薪紅爐焚綠酎深杯酌
我思高臥人凍縮如尺蠖

碧霞灣同岳上人

疊嶂真如畫攜筇得得尋古苔過鹿跡
寒日澹松

陰磴轉泉迎面崖懸翠撲襟惠休詩力健掃石紀
清吟

谷口飛殘葉幽禽傍午啼回看青岫合不厭白雲
迷玉匣藏千古樵風滿一溪何能脫世網縛屋此
長栖

毛西河太史過訪不值東寄

近日宛委山梅花開萬樹前宵小艇出東門淡月
濛濛紛烟霧驪裘吹透雪中香芒鞋踏盡花間路
得少佳趣忘歸來山中竟易三朝暮先生何事念
鯁生片帆直向錢塘渡入門不見倒屣人出門便

返西泠步歸來童僕驚相聞怍怍真悔錯良晤迺
思和靖居孤山客至鶴飛招則赴今無白鶴遙相
招客來空被梅花悞

閱吳蓉村四丈擷芳園集感其所遭書後

三絕

書劍從軍亦壯哉却衣縫掖賦歸來軍中十二鏡
歌曲曾試吳均倚馬才

鏤冰雕雪盡成文江左名流孰與群偶向蕪城工
一賦才華已掩鮑參軍

青雲事業竟蹉跎小住柴桑日嘯歌自古才人艱

宛委山人詩集 卷三
一遇拾遺供奉坎坷多

聽李進士瀛彈琴

積雪明虛牖皎月穿疎櫳空庭雙桂樹碧葉烟濛
濛青蓮寫清興幽響馳絲桐一彈珠錯落再鼓玉
玎玲五湖流烟雨平沙落飛鴻神旋游六合聲旋
唳太空乃知七尺木至理含無窮彈罷合雙目餘
韻爲清風

五湖煙雨雁落平沙神遊
六合聲唳太空俱曲名

夜行東城次朱十六查軒韻

淶水東城下扁舟薄暮經遙天片月起繞郭萬峰
青林睡成群鳥波流似粟星癯然消瘦質人鶴兩

忘形

時舟中
載鶴一

當牕織

高梧隋井寒零露盈堦濕燈底百蟲鳴有女當牕
織低頭淚滿機心急力偏微不眠理殘縷豈爲身
無衣織成一縑皎如雪上堂獻姑姑意愜持與東
家新嫁娘賤博金錢私哽咽纖手何曾得暫閒吳
綾織罷織齊紈啼痕時恐污花樣背着殘燈強拭
乾

宛委山人詩集卷三

宛委山人詩集

卷三 暗香浮影集上

十五

宛委山人詩集卷四

山陰 劉 正誼 戒謀

暗香浮影集下

宛委山溪春泛限韻

春帆飛綠水老壑恣尋幽宿霧沿山捲濃花滿鏡
浮天真縱麗境人共指仙舟四美都稱足還堪傲
阮修

年年看不厭惟此夏王陵山曲雲生摺溪回波有
稜鳥含春百轉花覆廟千層多事搜秦碣模糊認
未能

如茶青雀舫忽見駐溪南影輒無心露聲疑有笑
含長裙響玉珮細髮鞞珠簪隱約湘妃潛名花掩
碧嵐

不泥登臨地隨宜縱越舫吟摧詩伯壘飲落酒旗
星柳敲春波綠雲爭晚岫青如斯風日好甚欲感
山靈

歸棹樵風港輕霞送隔溪誰將紫玉管吹殺綠楊
堤香霧縈衣重嬌花插帽低人生行樂耳細聽踏
銅鞮

赴飲饑甚戲書

昂昂長鬚奴折柬召賓客辭酒如辭徵三五回不
獲心知食指搖會見藿腸闢主人有貴賓矜嚴滯
裙屐過午赤日斜眼穿望歡伯團團如磨蟻宛轉
花前席翫敲向主人撫肩笑啞啞臣朔饑欲死官
否謀別策靈輒一飽恩能脫宮甲厄

春雨

窓掩空堂碧綠紗春愁偏覺雨中賒溼雲一片團
花影低護橋西賣酒家
渡頭新水漲瀾瀾籠霧垂楊亂作絲正是去年跨
小駟斜陽花下訪人時

焚香獨閉小蓬門寂寂春齋烟雨昏彷彿南宮圖
画裡滿山濃墨壓孤村

西院

西院東風晚疎寮掛夕曛遠山濃過黛新柳綠欺
裙錦袖歸明月香帷散彩雲尋春春竟去惱殺杜
司勳

十宜樓漫興

扃門半月小樓中曲徑無人鶯燕通一夜池塘聞
驟雨凌晨院落遍殘紅依微爐火長生霧窈窕簾
波不禁風身似書城圍莫出笑誰爲我董條籠

今年游伴喜偏多是處尋芳挈榼過野水千條飛
白練晴山百摺疊青螺香肩画舫傷誰並錦屨春
風笑共拖不識橋東花影下尚留人倚小桃柯
林端日暮弄參差漠漠寒烟罩柳絲觸恨鶯花都
盡後牽愁燈火未來時水連天白遙難辨鶴似人
癯共莫支第一不宜惟獨坐十宜樓上每尋思
遠望紅雲紫霧邊蓬萊應悵缺頑仙初分雙袂如
千里小別兼旬似十年細馬香車誰結夢金蟬寶
瑟獸生憐美人遙隔芳春去無盡相思托錦箋

題沈梵陵五集桃源圖

武陵山下桃源路武陵山內桃千樹誰何漁子多
仙緣一舟棹入花深住棄舟登岼山重重飛嵐點
翠環青峰流泉泠泠挂絕壑閒雲片片浮疎松草
亭茅屋真瀟灑延賓欸客人都雅猶然不識漢繼
秦那復能知牛易馬十年熟讀桃源篇夢思仙宅
徒流涎梵陵作畫何親切使人神往桃花邊他年
擬向花繁處直選源中幽絕據結茅縛葦隣秦人
不似漁郎惡歸去

愁

茫茫天地濶浩浩江河深我心方一寸幾何物可

任愁乎汝何事於余奇相侵盈千累百斛填積乃
沉沉揮絃輒揮淚莫知琴中心長歌即長歎誰識
曲中音野賓四山上徹夜賡悲吟

懷魯二雪堂粵中

歲闌霜雪送南行忽忽韶華轉眼更繡閣東風羅
綺怨画梁落月弟兄情美人夜入梅花夢望帝春
啼勞竹城應有思家無限意銀箋細述寄同聲
名山回憶共盟心數載交情那復尋念我澆愁惟
綠酒累他傾篋費黃金斜陽芳草離懷遠細雨梨
花春夢深矯首天涯亭畔客不禁清淚落衣襟

送筍山北上

空庭微雨飛霏霏擁書獨坐垂疎簾門前經月罕
轍跡閒堦密密青苔粘剝啄忽聞何遜至云當遠
別憂如惓吁嗟何郎千載士元龍意氣參軍髯十
葉簪纓聲赫奕兩朝仕宦名清廉風流文采誰足
擬家產不問如崔暹昔年曾上長安道居無半歲
名炎炎四海英雄爭傾倒忽然愴地悲靡瞻三千
里外踟蹰返清吏筍并無餘縑杜門讀書更學道
蓬蒿滿徑人淵潛閣中夜照青藜杖床頭日擁紅
牙籤抽思真不遜曹植搖筆直欲排江淹時惟司

學二三子詩箋酒盞常交拈伊余迂拙與俗忤出
言人盡訾狂譎感君一見稱莫逆推誠十載無猜
嫌思昔吳越聚詩社名流雲集何矜嚴分題課韻
宛委下人人銳筆如磨鎌而我與君一游又紛紛
辟易鋒誰銛以此兩人益相得晨昏比翼如鷓鴣
有時禹穴搜金簡有時鏡曲弄冰蟾不然杏花村
墅畔杖頭並挂尋青帘不然春草小窓下彩毫對
舉吟香匳如何如何欲分手行期已定寧重占浦
口蒼煙飛靄靄渡頭碧水流漸晚霞散綺垂東
嶺斜陽倒影橫西崦吾黨兄弟各星散或游燕趙

或粵黔惟余親老守故里蜘蛛只識都於檐此日
送君又北去離群人益誰針砭襟上盈盈紅淚滿
眼前兀兀青山尖長歌浩歎綠楊下相看真使千
愁添

送友人回邗上

百里耶溪遍藕花歸舟初發櫓嘔啞經年越嶠江
南客一夜開帆欲到家

僂指官衙滯客身芳閨空使送三春誰知幾日紅
橋畔卜准金釵到遠人

次答朱十六長人

閉門斷轍跡春色憐空還晨興凭北牖煙雨迷前
山愴然念同志區隔如仙寰開門得尺素乃汝思
詩孱既憂我離索復妬我幽閒念君得一紙此紙
真千鍰嗟余詎避客客實難追攀門前羅車騎望
之如通闌身非夏氏鼎寧盡知神姦不如掩蓬戶
獨酌娛朱顏倘止知心者日日開松關

夏日散懷

長日如年坐草廬矮泥墻挂薜蘿疎漫天驟雨雲
成結捲地涼風暑欲除醉去全忘愁起事夢回猶
把讀殘書比來差喜無他擾祇爲離群感索居

列女詩集 卷四
紈扇紗衣水閣前書空咄咄向青天寸心原自難
如錦小句從人不值錢落日碎分柳葉上香風細
發藕花邊高樓忽聽參差起綠盡湖中野外烟

有懷出遊諸同學

翩翩同調客落落曉星稀悵望倚庭樹微風吹薜
衣天涯鴻影斷枕孔蝶魂飛誰擬高樓笛梅花繞
釣磯

武林謁姨母王夫人

晨入草橋門行人何擾攘籃輿如游雲清暑勤咨
訪我我覩宮墻濟濟瞻函丈始信人文叢足令見

聞廣登堂拜母姨秋風動繡幌別久拙言辭心安
忘鞅掌姨母撫我肩熟視增淒愴因我小子來痛
我先慈往蕭齋卸行囊美景恣幽賞芳蘭檻外香
碧蘚堦前長悠悠一往情已結西湖上

汎西湖

結念名湖已廿年蘭橈永日喜留連橋頭古樹紅
殘照隄上垂楊綠暮煙座散衣香風有韻波流鬢
影水增妍眉山蘇子如能起拚與聯吟芳草邊
閒逐香塵訪輿區千山如笑繞明湖人來四海探
名勝天爲三吳展畫圖水鏡澄鮮勾白傳梅魂縹

宛委山人詩集 卷四
緲冷林逋亭中月亦憐多事費盡清光是處鋪

落葉哀蟬曲

秋風來木葉摧木葉落寒蟬哀感蕭索畏塵埃情
如訴響如雷烟濛濛月皎皎霜露繁園林宵碧天
高青山藐繡簾垂紅窓小我思美人途渺渺錦屏
鴛枕離憂擾遙城画角吹天曉鴻影翩翩雲縹緲
哲人一逝十年餘花影離離艷草廬紫殿衡才獨
薦鷄青山葬骨客鳴驢風流邈矣徒懷昔手澤依
然欲慟余所幸身亡如不死有能善讀父遺書

過傳是齋憶徐徵君

咸清

憶昔時披董子帷較書論史輒相隨三年筆授中
郎秘先生授余漢隸書法十載琴舍大令悲蕉葉捲風聲颯颯
柳絲綰月影垂垂齋間景物箱間句盡是先生隋
淚碑

懷徐大西來都中

白蘋發煙浦黃菊開雲窓獨處無與樂茹恨殊盈
腔伊我同巢友一一稱無雙萬里流可吸百斛鼎
能扛時當文酒會如彼秦楚邦兩兩欲爭勝紛紛
相擊撞而彼徐孺子筆亦推如扛怡然迎又解不
覺心俱降去秋賦行役落葉重盈江念之不可見

脉脉挑書缸

送姚次耕陶謁選北上

箋吟聯咏正同群，忽話離情對夕曛。此後題詩應
憶我從今舉目，敢忘君空江夜雨舟千里。極浦秋
風感十分，不為送人作郡去。故令心緒亂紛紜。
少保功名那復同。次耕為憂菴公次子憐君一橐止清風，辦裝
有意金偏盡。秣馬無芻，頗任紅枉向江東。誇義俠
不能吳市給英雄。蕭蕭剩得如珠淚，灑在臨岐滿
袖中。

得石渠京書

故人京國去，兩度歲華除。柳葉江關別，梅花驛路
書。孤懷憐客邸，高枕愛吾廬。况復新詩好，鄉心涕
淚餘。

疏河行

東城積水殊澄泓，一篙徹底青銅明。篔簹十畝映
波綠，舟航千棹沿塘行。疎窓小牖河邊啟，臨流終
日怡心情。花間時聽採蓮曲，月中惟有鳴榔聲。今
年旱魃肆奇虐，白石盡出清流涸。徒望雲霓仰碧
天，那有甘霖得杯杓。居人相顧無良謀，釀金通力
恣疏鑿。覆杯且通坳，堂舟引流甘作隣。人壑黃頭

宛委山人詩集 卷四
赤脚諸役夫秋陽火烈爭奔趨三尺土逐耒耜起
百人身爲青錢驅滔滔遠見清泉至倏看陸地成
明湖君不見半歲不雨百物枯買薪如桂米如珠
官長不念灾切膚何況舟楫能憂虞城東今得一
圍鏡曷招渠輩來此放棹親鷗鳧

題紅乙草堂贈錢五

榮先

籍甚錢郎風雅材齊山聲價滿金臺五侯七貴俄
拋却爲憶家山一舸回

草堂懸榜名紅乙花徑停輪罕白丁一字哦成傳
寫遍殊勝依鬼賦湘靈

風幔花闌綠水邊酒徒吟伴日喧闐休傷三十身
猶賤已受詩名二十年

食蟹

吾家稻蟹鄉沙渚斜連屋獲稻及清秋遺穉實蠓
腹百錢酌斲師八跪盤中簇林林水族繁俯視皆
臣僕大異過屠門朶頤不得肉拍浮憶昔人妙語
驚流俗郭索日充庖一生事便足高致邈難逢餘
韻猶堪續糟床昨有香急命樵青漉余手持巨螯
笑對東籬菊

獨夜

獨夜真蕭索風鳴四野秋讀殘書倦掩吹徹笛難
收老鶴陪人瘦寒蛩助客愁所思不可見遠夢遶
西樓

最憶春風裏恣將樂事尋鈿車人遠去錦瑟句空
吟綠樹千層路紅箋一寸心晚窓坐太息耿耿恨
彌襟

靳司馬公秋日感懷六詩索和次原韻奉

寄

庭院西風起颼颼離憂欲遣竟無由忽來月下雙
飛雁寄到雲中一片愁才子何堪長賦恨騷人偏

覺會悲秋可憐事事心都嬾惟愛驚人句不休
不信生平是與非年來真感植輕微青山殘驛雙
旌渺紅樹寒江尺素稀百事人原爲鹿夢一清官
到泣牛衣吟魂夜入如水署戍鼓霜鐘驟遣歸
欲學趨時恐不如荒園半畝遂幽居每憐身後留
皮豹聊作生前蠹字魚濁酒難勝新病起濃愁多
結獨吟餘誰將點點空堦雨粉碎秋聲送綺疏
芸閣紅塵不得來門無俗駕破新苔遙山近水經
秋冷斷角殘鐘入暮哀樺燭小窓吟作燼爐香永
夜撥成灰橫胸壘塊如何遣只問盈盈灑灑杯

年歲真如流水東窮愁日日歎相同雁號冷落梧
桐月蟬咽淒涼楊柳風對客無心眼作白告人未
語面先紅於今妄測青天意幾卷魔渠出手中
遙想衙齋靜夜聲竹風蕉雨亂殘更堅成愁壘無
師破深入甜鄉忽夢驚好句欲勝謝眺麗新詞閒
教雪兒清牢騷所賴能消遣不是劉伶愛捧罌

遊宛委山遇素堂於樵風涇

一葉沙棠舟六幅蒲帆掛同志五六月置身儼圖
畫十里駐蘭橈名山所屢屆揭步入谿谷聯袂索
幽怪石帆何人裁千秋懸不壞石匱何書藏不啟

秋陽曬大峰間小峰環列如珪玠踏遍諸青峰溪
泉聽砰湃仍喚篙師前放舟泝清派冷冷逐樵風
叵叵破天械不意不速客相遇無塵界舉手各軒
渠意氣彌矜邁拂石題新詩傾襟攄清話百榼飲
古酒其甘如沆瀣吾輩坦蕩人清狂非所戒夙志
尚未伸且償山川債拘拘跼蹐人視之等草芥庸
庸齷齪人見之欲頽齟勝地逢知心足號生平快
越嶺復渡溪誰覺肌神憊旨哉昌黎云幽興劇爬
疥

暮秋

夕香山人詩集 卷四
暮秋孤館獨徘徊細碎新愁滾滾來半榻翠憐蕉
尚展一籬香愛菊全開小招殘夢紅燈外遠弔前
人青史堆薄醉微吟閒縱目幾番黃葉下蒼苔

夢與吳下諸子賦詩得起二語醒足成之

黃花香夕照紅葉艷秋容小夢良朋集佳吟子夜
逢風寒遠浦笛雨濕隔林鐘搔首江南望烟迷七
十峰

東墻

煙凝小閣幽月落東墻冷風動梅花枝瑟瑟如人
影

聽嘯軒同內弟章鶴泉 鐘 夜話

偁山日暮紛煙嵐叢樹影橫空潭紅櫓無聲近
岼住一九明月清波涵叩門入室掩窓坐霜風如
刺緣難堪樺燭離離鴟尾卧渴吞綠醕分香柑醉
後嚴寒闢三舍盎如春色回江南青綺小史煮雀
舌促膝密坐舒雄談緊予締交稱亦夥少年誰及
吾章三上十三經廿一史忘廢寢食加研覃旁及
百家下稗乘如口異味恣婪酣我聞其語啞然笑
曰吾無事於心耽世人首愛金黃白獨觸黃白中
如惔此物氣聞實腥穢修綆汲古斯情貪

鶴泉言世人惟利是

尚吾於金銀物實有腥穢之氣
觸鼻難近今人不能有此言也

此意與之合者寡人人捫腹

當生慙所以下筆絕塵俗藻思斐疊如羅含篋管
千个圍精舍蕭疎岑寂疑禪龕力攻書城兄及弟
手鋤藝圃樂且湛予於百事總疎懶讀書味亦非
吾諳硯田蕪穢任不薙于于身似三眠蠶因君悚
息忽生悔坐將白日拋難甘重理五車并三篋與
君晨夕相窮探浙浙夜聲充暗牖漫漫野霧盈虛
菴扁舟訪得竟夕語真勝面壁三年參

題沈石田畫

吳中画手誰先輩老氣橫空沈石田二百餘年遺

蹟在不知是墨是雲煙

詩巢飲梅花下

千疊青山曲詩巢勝竹林由來風雅地多在薜蘿
深冷翠飛當席寒香浮滿襟半酣倚修檻花底一
狂吟

一丘兼一壑有此即名流况是烟霞窟居然水石
幽鳥聲聞隔塢松影落層樓樹樹梅如雪清樽竟
日留

碧霞灣夜泊

嚴冬來寒山紅日落如弩弭節就溪灣四山若環

宛委山人詩集 卷四
堵積雪未盡消舉目山可數衙衙或龍飛亾亾或
鳳舞潺湲水一灣淥淥呈妍媸喬木俟歸雲皴炮
槎柯古誰斲此靈區毋乃巨靈斧昏鴉宿合群晚
樵歸結伍板橋山人家炊烟騰千縷碧霞船尾飛
明月船頭吐

移家水澄故居漫賦

遷移十載費躊躇此後何須浪卜居脫彼窮愁小
詩屋歸余風雨舊茅廬生涯雖少盈囊物家具猶
多大麓書顯晦已知聽命在且安身去看何如
自昔居貧東郭幽驚心十五易春秋梨花小閣風

流夢楊柳疎窓縹緲愁比舍人如金石契出門地
作畫圖遊將行不覺重留戀倚盡紅闌曲曲樓
幾間老屋矮前檐清白家風自可占一角龍山卧
霧冷當頭雁塔矗雲尖琴樽並列烏皮几人月雙
圓翠羽簾所願幽懷長不累扃門日日較牙籤
梅花香靄一庭深抱膝堪爲梁甫吟尚未營園先
種竹雖然近市好修琴整門癡廣幡旗路疊石憐
多丘壑心寄語同聲名下士綠波小巷裡相尋

宛委山人詩集卷四

國

